



擬山園選集目錄卷之九

七言古詩 三十首

澤州怪松歌

潞安藩園宴集

二首

環中秋日過訪

春山歌

同着居依綠園

克符過茅屋

大白晝偽坐飲

贈僊臺

范子出子昂畫馬

贈和甫

子美有歌

四首

出京歌

秋怨曲

經河間苦熱詞

擬山園選集卷之九
雲韓贈刀歌

藺秋澗水中大魚障

子

泰山歌

莫雲卿山水

李文逢醉歸圖歌

梨花行

潘嘉客墨詞

端研歌

賽神曲

睡足

邯鄲黃黍歌

鷹摩歌爲玉調

目錄

終

擬山園選集卷之九

孟津王

鐸覺斯甫著

古吳文震孟文起甫閱

七言古詩

澤州怪松歌

有叙

松約四五百季枝虬偃逼畫且勝之惜也爲一官長鑿其軀納一方石塊鏤以石青字否泰亨屯古今一槩深爲恨事雖松命厄吾輩公之不日快乎時崇禎

五季六月初五日

相松不相色。相在骨體奇。偶然閒來近。怪松節。
多力狂風雷。馳一枝斜鋪。坐不起盤梢。堦日天。
爲低兩枝斜。纏鍊脚古虺。兒蛇孫緣蛟。螭徂徠。
地縮墳土黑。何罪青字鑿。咫尺我爲灑。涕相抱。
悲霜皮白肉。瘡一石携弟對之肝。不平酒酣怒。
噉老月聲。不如只與魑魅伍。斧痕不上焯霞生。
愛彼西施賞神韵。如何割顴甚于黥。韋偃曹霸。
不在眼。松無知己相見晚。紗帽尙能盤礴爲寫。
出幽憤。全蜿蜒。嗚呼材大氣奇。今已矣。燒琴煮。
雀誰復侶。昂霄異姿絕世無。耳目細玩。遭此瘡。
君不見富家松樹朱欄條。銀環淡刻。罌餽槽。竟。
欲剔去肉石療孤直。天季終遂喂蟲跡。吾弟吾。
弟咸聽吾言。勿棄擲。他年隨吾騎驢過此坐寒。
碧。

潞安藩園宴集

巨靈爲山攝。提起峰勢學雲瀉。流水桂欄香影。
天雞鳴詞客齊集。神山裏六月地寒。蟲虺根酒。

杯○着○露○燈○黃○昏○九○枝○焜○煌○滴○鼉○血○三○十○六○天○星○
魄○吞○嘈○嘈○笙○鏞○樂○忘○返○歡○身○竟○在○蓬○萊○苑○更○呼○
燭○龍○銜○夜○暉○紅○盤○炎○老○銀○河○淺○

其二

檀○縷○細○飛○龍○涎○高○琉○璃○砌○裊○銀○紋○濤○洪○談○鼓○瑟○
煙○漕○漕○授○簡○咒○文○走○神○姬○肥○蛟○瘦○鵬○翻○綠○雨○應○
爾○斑○駁○舊○日○筆○欲○掃○天○門○若○木○樹○

環中秋日過訪綠雪園得予作山水圖一

幅

刑○部○街○西○軍○馬○隔○工○詩○好○古○一○幽○客○沱○雨○我○曾○
臥○其○齋○窓○中○一○縷○乾○坤○白○今○朝○騎○馬○來○相○面○酒○
紅○暈○作○胭○脂○片○爲○問○畫○幅○幾○日○成○笑○而○不○答○冷○
然○善○蒼○山○白○雲○藏○已○久○自○爲○秘○惜○無○人○見○須○臾○
看○石○過○西○撩○袖○出○撲○天○青○巖○嶢○嶢○見○之○大○叫○飲○如○
雷○滿○紙○秋○燴○老○不○凋○世○上○幾○人○山○水○癖○所○日○耽○
書○貴○真○跡○茱○萸○海○棠○醉○且○歌○今○年○秋○意○誰○家○多○

春山歌

玄○平○藏○張○復○山○水○障○子○峭○險○隱○固○而○氣○

動體妍潤色瑩然。雨後青嵐欲飛復無
錫人胸中元化墨。際丘壑卽唐宋亦不
多得。沈石田謝時臣唐伯虎陸包山猶
是笨伯耳。借懸予室。寢臥其下。忘其飲
食。殆不知其爲畫也。夫畫是何物。而令
人若此。

東風吹我到君堂。舉頭巖下見滄浪。峻壑群峰
雨後濕。松枝松花入座香。異哉真氣宛侶春杪。
淡者何其冶。濃者何其老。游陰林兮寂宋。緣樵

逕兮窈窕。遠近不知幾。溪幽綠秀。三月覺山曉。
自是混元成胎膚。山馳水驟。痕迹無。老龍是樹
鬼。是石盤古面目。何曾枯茅屋之仙子。或混漁
浦。而不死。不見市朝之緇塵。惟猿鳥石洞之齒
齒。吁嗟乎。拭眼仔細神爲眩。始知煙雲生紫練。
越山蜀山。黍頃刻。萬里蒼茫咫尺見。其中叫峭
兮悠悠。駭仙兮誰求玄。平兮同志。欲偕住者何
丘。但見功名富貴兮。勞瘁枕石漱流兮。無愁如
此。峰巒神之所吝。陰雪黹夜不可不慎。我朝張

復前吳鎮金谷樓閣惟灰燼千秋萬歲何處覓
日日春山看不盡

同着居依綠園汎京外舟

景色芳晨正澹宕。駕言西郭問樵漁。因過村前來小圃。邀我同汎曲水湖。湖光明艷微雨後。日彩隱匿不得漏。行觴聽歌忘爾汝。手弄田田蓮葉秀。波文鏡折涵群鳥。灘頭驚起鷺拳瘦。軋軋百丈牽纜鳴。意興正豪飲如鯨。西山搖曳岫齊逐。東來古殿燿與平。恐有冥穴通海眼。葦外黑

潭魚龍驚風爲之馬。綺席餘吟詩欲題白玉裾。須臾雨輟天光炯。片片澄波洗太虛。遂使媚柳拭藍氣。果然笑傲天爲徒。其時擊鼓誼如雷。主人漸醉稱大杯。干戈寇氛不在眼。何不痛飲使心哀。短簫不肯迴前棹。酪酲可酌燕王臺。況此清風閱今古。沙飛塵起京中土。我曹各盡一百卮。呵使湖灩爲鼓舞。且從麴鄉開懷抱。肯把凌煙汚肺腑。不覺揆櫂轉西洲。暢意雄飲復何苦。回想當年昌國君。建旆長驅濟衆軍。至今古木

揚山園選集 卷之九 五
啼鴉老俯仰誰識報燕文更思蕭相與絳侯六
國席捲三秦收空將白頭熬恐懼戀戀不肯赤
松遊我輩此樂不易得憑虛俱帶江湖色李白
沙棠隨波流感之使我三歎息得歸拂衣便可
歸八十腰軟杖無力

克符過茅屋陪雨恭飲

月餘不出門秋艸生門口我及雨恭來相與酌
大斗倦眼開張冊中圖忘却腰下生者柳紙上
好山爲爭妍奇字縱橫而奔走傷心莫道知己

少畧事銷沉且杯酒羨君磊落非凡才膽張氣
豪雪間梅鍊榦古心冰花出興酣搥碎黃金臺
況對西湖之沈生大圭不琢玉崢嶸蛟龍且須
秋雷電使我爲之心不平菊花下酒酒色紅牀
頭蕃劔咽且鳴世間功名寧後人爲爾拂拭長
安塵朱鳳不頽下黃鍾震星辰明珠光不萎白
日匿必伸我與雨恭昔未遭九州鑄錯氣岸牢
汴都已覺天地窄英雄咄喑笑蓬蒿沈生沈生
莫寂寥吾今爲爾奏雲門之琴曲書左徒之離

騷呼鳳啣星舞勸酒澆我胸中噴薄曩古之怒
號悲歌慷慨睨雲濤四山莽莽秋烟高丈夫不
難上青天應當魄方骨重殿廷前丈夫不難璣
衡旋兩儀凌雲揚意不值錢如此致富貴不如
白首臥林泉幾欲焚却案上編對君不覺淚潛
然胡爲乎翻手覆雨而矻矻雨恭醉而咨嗟焉
我欲別二君方壺訪列仙浮丘前扶我羨門後
拍肩一醉千日醒復飲王母金艸鬼芝殮狂枕
玉女喝羲和贈君長生藥一丸自然五內發靈
光世上浮榮真糝糠

大白畫僞坐飲山水中題爲斗酒百篇

東南聞鵬山銀臺金闕蒼莽間彭湖三十六拿
雲排日青天蹴紙上突兀見鄭郎萬仞丘壑滄
海傍左有雙松垂龍鬚怪石蹲踞作胡牀右有
曲泉九節之靈艸兼有乳寶三花之寶香山色
壑姿皆道氣蟲書木葉見文章可以朗吟得句
謾風尚羊詩王字聖臙脂滌觴搗黑氣於墨華
燒紫竹日茶槍惟米汁之逃寂與靜理而相忘

宜祿驕癡持螯相將。清泉入耳。倒立滄浪。橫醉
眸兮望黃鶴。來酸風兮思五羊。辭颯颯兮山精
泣胸漠漠兮天晝藏。乃玉皇鸞坡之吏游諸仙
轟飲之鄉。何必摩笈於大羅。而西歷乎衡湘。況
君鐘鼎望京國。麴部大隱韜精魄。手補冷圭收
造化。繡虎詞人驕不得。昨日老秋聲。煨火榾柮
鳴。嵩下巖泉空。薛荔園中梅蕊正。淒清我學漉
中意。自足喜君畫在鵬山曲。便欲從之向南安。
把酒一嘯山水綠。放歌行歌未殘大江別。公雪
漫漫觚稜之下。多恐懼且向烟江采芷蘭。

贈仙臺

僊臺筆跡鑄於宋元。藍本外故峰巒。泉
口烟汀雲脚不動。若來今年乙丑大索
始得。管林子來題文。與可能傳萬里在
尺紮。雖乏林句。仙臺謂我爲沒骨詩乎。
僊臺同坐芭蕉樹。神情宛轉含雲霧。展絹秋色
生毫端。起掃石林烟。江趣目想聲出水。腕動移
來山。恍見三靄意。淡寂迴如松風來。公閒狂根

枯枿映無數。漁人冥入桃花路。回風側出艸色
空。鬼母瘦佛泣。毫縈吳生擅。塲天機奇遠。過李
成與郭熙障。子通靈元氣濕。一派青林無聲詩。
畫聖僂臺少古色。無人比點易友。此圖層巘滴
露空中起。拂琴響此圖。山翁寰瀛遊。萬里禪耶
畫耶意。莫知巧掣造化回。寒姿竟無丹青淡巖
內。悔畫學塑令人悲。吳道子畫中僂寒具方濡
齒。不敢捫風煙。還寫雁宕赤城氣。置我竹窗石
磴前。

范子出子昂畫馬命卽書

唐家獅子久銷沉。旋毛胭脂無地尋。軸開忽見
真龍種。眼光炯立垂楊陰。逸氣淡穩搖紅練。顧
影侶驕連錢串。圉人控之費勇拳。蹄橫鬣怒欲
奔戰。可笑凡馬飾銀韁。天廐華軒無激昂。那有
雄姿踔芳艸。髣髴仍聞汗血香。松雪王孫灑墨
好。高駿礪砢桃花掃。羞與八駿競。蒺藜不向金
粟空。坐老安得此馬乘。長風將軍雪夜刷。西東
腐鼠踏盡錦障解。徒愛神駿竟何功。

贈和甫

和甫作畫墨光淋下筆爲我生遠岑。谿壑蜿蜒春姿淡，白雲片片落箐林。江水不流老樹森，虛漠遮蔽野禽吟。猛掃忽然雷雨音，依山欲睡西風侵。雨打茅屋混茫沉，石梁倒挂虹千尋。頃刻崩崖洗重陰，半壁入天寒不任。因想天地胎息始，空濛無爲而已矣。諸峰齒齒太虛滓，偶然灑落成山耳。若令指爪造作此，巨靈竟與拙畫比。和甫巨靈之孫子，胸中煙霞縮萬里。一氣歎來突兀起重關，五嶽真形侶噓天。天面迷咫尺，叔明大癡何曾歎。山霧愁怨惱蘭氏，白景蒼嵐妬絕技。我亦書淫畫癡喜，夜半摩挲敲火視芭蕉。雨急倦夢裏猶行，疊障繞江水。

子美有歌乙丑都下儼

提劍慷慨恥不義，七年驅馳隨奔駟。欲歸不歸呼奈何，焰璫毒火日夜熾。滿面京塵形若灰，五侯競貴車轟雷。焦爛官長諍疏少，使我懷抱何時開。嗚呼一歌兮，歌欲瘦。日日一編坐屋漏。

其二

今年再五四十期。鬚眉蒼色真鹿麋。厨中米盡。俸錢緩。妻子愁。饑嘗嗟。咨五更起。朝餐微祿燈。照室梅紅。菽菽千金買。賦妬不銷蛾眉。合抱雲和哭。嗚呼二歌兮。添愁顏何如。蚤臥嵩陽山。

其三

吾姊吾姊久力力。童穉悲歡共飲食。朝夕耐。受風霜艱。如何一病留。不得悠悠五季墓。土乾碑雕。蘇碧兔絲纏。中夜子規啼。血淚山川阻。絕酸不酸嗚呼五歌兮。咽氣急。雨陰墳樹悲。風濕。

其四

酒讌溷多清課寡。婚嫁相尋秋復夏。一年能著幾行書。仰觀作者淚盈把。日月跳宕沉天門。蓼蟲嗜葉駒戀轅。羞作飽煖一時態。定有知己解微言。嗚呼七歌兮。心自苦。免教頭白如雙瞽。

出京歌

丁卯

京中冰滑馬難馭。拜客塵厚脚跟遽。纔出東直便覺閒。飄飄欲上求仙疏。炎臆修坂反快人。况

兼山水養一身。雕鞍絲轡翻嫌俗。舞袖歌鐘不
是春。生憎骨帶煙霞意。泛家五湖。隨所至。濟勝
謝展米家硯。好山瘦瓢。終日醉。從此布颿向吳
門。六代烟花獸窟尊。崩芳香爐看老樹。瓊瓏雁
宕聽清猿。到日雲山屬我。有澗歡蘿笑仙拍手。
閩海龍獻長生藥。琉球眼底一栢否。貪天玩物
罪何辭。韻事迷心好自私。半生脫離鞦韆態。一
卷一琴一畫師。按囊新句爭顛倒。江月江花收
拾好。仲冬愁入金馬門。夢中恁憑山陰道。

秋怨曲

龍輔飾裾瑟瑟衝。翠環搖動金芙蓉。向几回身
驕不動。蜺屏低視意態重。荳蔻華濃帖嫩色。含
怨含愁丁香結。欲將刺繡坐蝦鬚。無心絲蹴鴛
鴦血。卻拂烟鬢倚欄干。玄月豆雨夜漫漫。金猊
檀盡悄無語。獨對桃笙寂寞寒。

經河間唐地苦熱詞

舍舟躡陸涼氣弱。炎飈吹艸黃。綽綽唐風一幅
活。古圖農事驅牛畏。暑荔豹谿雲花熱。不飛大

麩小麩喘母雀玉女輟壺龍睡昏虎守爐戶鍊
捷門酷蒸亦燥上帝意何不噴雨濯乾坤我欲
與天乞斧具斫破厚地海飛雨忽凍冰腹及姑
蘇六月冷颼滿江浦

雲韓贈刀歌

寶刀繡串梨花身卻是二尺句驪銀瀉光神術
不類鍊斑字爛刻細沾血宣府地震靈霽犯突
騎千群路色黯邊將恨無大夏雄出陣入陣立
大功自顧綵繚無可賴日食府粟空長嘅感君
意氣大食舞孤光傾陷白日怒塵氛未殄燔在
堡沙黃骨白踏肝腦書生空譚誤干戈刀乎炎
芒奈爾何

藺秋澗水中大魚障子

雌雷奮於地底駭浪蹕之千里瀕洞不平林木
黑煙層埋而日輪歿竟爾簸揚眼有光銅鱗煜
雲千尋彊群峰閃側窟宅張天門地戶犯低昂
忽伏忽凸兩髻丹血一身沸騰千堆妖雪吁嗟
神物是誠何說毋乃合萬馬之狂力呂自嬉故

赫怒吹沫而伸之。瀉自天兮不可覩。海中之怪
兮。靈其尸。炆兮電瞥。躍兮魑咨。必欲排闥。且諒
厥心胸中。砢磗恥泥蟠。面帝自陳。湔肺肝。天門
虎豹請驅除。瀾澍湍轉各靜閒。嘗恨世人不然
者。蕩滂崱嶽。猴沐冠乾。晉坤尾歸之於安瀾。不
變兮。是求雷車。勿折地。較於人官。魚兮魚兮。請
自此卷尾。且收高湍。否否。鮪鱐選相。跚冬日蔭
。饋非絹非素。魚之憤聚。致此溥霧。架岳飛墳。磔
者遠。乃知其中。不得不有靈憤之蹴吐。吁。噬兮。
龍亢。龍悔不足。御坎。脣翕。煽有息處。再三而歎。
星墟戰獻。况乎駭于人獸。且軒翥雄光。可制便。
欲跳入畫中。騎之而飛去。

泰山歌

咎聞泰山之峰。莽嶢嶢。混沌墮胎胎。未消橫盤
直抹鬚。斜搖餘髮成松。歷千歲萬歲而不凋。碍
日欲瞽星。亦爲撩石棧。懸峰項摩霄。上有怪巒
龍矯坐。復起下有洞壑。老蝠深無底。嶧陽魚山
皆兒孫。掩映大海掌中。止天地大畫。幘岱蟠未

半紙流泉鬪聲。日供其使。聞有頑僂。噴虎練骨。
髓日觀之下。吸海氣。跳蕩與山相祕。詭嗚呼。此
山一何才。且雄朋於扶桑。族崆峒。地維八紘。繫
燭龍。咽喉通吐青。不了金銀臺。曉秦皇。蠢物蒜
髮碑。山怒污鱗沙丘。天至今。瑤花琪樹爲之私。
丹竈仙經爲之少。我負山癡。山喜絕。獻技呈巧。
秀明滅。開闢天門。散異嵐。參差綠虹。鋪巖闕。遣
鶴邀歌。香霧侶莎。便思騎長風。而不憚。遠過王
郎旁。求惟仙客。岱嶽之峰。心如結。他年僵臥。作

莫雲卿山水

主人莫謂貪林嗜。泉志大烈。惜乎袖裏不能置。
此巒岱耶。岱耶。令我如膠。相思與爾別。

雲卿畫水石不繇意。結構信手灑。來自澹遠。啟
南臣伏居肘後。咎我訪問。年年慕一見。頓使神
迸露。至寶非寶。欲墮船。何怪當年重毫素。忽入
五洩中。仰曳憑虛步。兩峰斗嶸。衆山小。疑有幽
人在。煙霧幽人鬚。睂迴自閒。飼鶴來往松林間。
四皓輕已揖。龍準芝羞水。憤空潺湲。嗚呼山川

大地真樊籠。今我京師車馬中。陸渾呂南儘幽
闕。見畫直欲乘長風。

李文達醉歸圖歌

宮裏璇題百道文。名葩西苑香氤氳。櫻桃忽見
朱實小。芍藥偏宜紫瓣殷。薌饌黃流開八戶。
帝與勸酬酌鸚鵡。拜時色洒禮猶猶。貌醉神恭
身益俯。須臾蓮炬昇輿肩。風吹衣綻玉。感煙夢
中不記尊前奏。醒後翻疑天上還。當日都俞寫
得真。此圖嬰珊會有神。顴着冠佩映。簾簌豈是

尋嘗供奉人。挂壁百年顏色老。滿堂生氣光杲
杲。田園磽确空。寢丘笏板缺。凋如稗艸我。息
天順御花開槐鼎大。酺歌舞回金盤瑪瑙腸。應
斷歲歲春風拂。絹來。

梨花行 并序

丁卯五月末。余往役發汶上。至兗新嘉
驛。庭前一檜。偃僵如畫。悶覽壁題皆草
率。不可誦讀。一刻紙瑯瑯有聲。固留心
此道者。廬陵趙公爲會稽女子作也。女

子事頗奇原蹟在後松風亭夾曲池高
藤縉紳游人挽章和歌無寸餘地女子
手蹟類蘇顏經風雨漏痕斷續存者纔
十之三四焉自序余生會稽攻書史筭
適燕客噬林下之富態事腹負之將軍
且獅子日吼數聲今辰往愬逢彼之怒
鞭朴孟浪辱等奴婢余甚苦之幾不能
起噬乎余籠中人耳歟何足惜但恐委
身艸莽湮沒無聞故忍歟須臾候同類

睡涼竊至後亭以淚墨題壁并序出處
庶風流知音者讀之知余生不辰則余
歟且不朽其詩銀紅衫子半蒙塵一盞
孤燈伴此身恰似梨花經雨後可憐零
落舊時春聞行不數舍而縊亦可惜已
詩末二句悽愴婉媚氣調蘊藉有唐人
之意卽賡和者鮮能及嗚呼詩道淪蕪
才不易得得之女中尤難竟流落俗子
遇人韃厄鬱鬱以沒世事之缺陷多如

此○余○癸○亥○在○都○下○張○詒○白○談○此○事○甚○詳○
一○座○黯○然○回○首○今○又○五○年○矣○一○片○香○魂○
荒○煙○野○店○令○觀○者○俯○仰○感○慨○必○欲○補○之○
明○詩○為○斯○人○傳○以○釋○幽○憾○故○步○行○廬○陵○
悼○志○士○牢○騷○英○雄○磊○砢○之○氣○余○豈○歎○為○
一○女○子○發○乎○

春○月○春○風○花○開○徧○梨○花○輕○舉○色○似○霰○澹○姿○逸○態○
恥○妖○容○豔○蕊○濃○翹○不○飾○面○幽○閨○淡○鎖○人○莫○知○香○
氣○撲○簾○看○不○見○自○覺○旖○旎○多○仙○致○歡○娛○無○復○等○

閒○淚○家○在○會○稽○若○耶○谿○谿○上○曾○聞○浣○紗○事○孃○將○
花○顛○比○妾○身○嬌○羞○不○肯○把○花○詈○五○分○丰○神○五○分○
文○十○分○羅○織○一○身○媚○憶○咎○十○二○寡○弱○戲○纔○學○貼○
鈿○居○書○肆○女○師○教○得○詩○歌○篇○箴○圖○夢○斷○相○思○字○
陰○符○臨○罷○問○占○禽○如○何○反○覆○是○凶○音○江○煙○厭○棄○
胭○脂○水○嵐○翠○愁○霑○荳○蔻○簪○惱○人○曉○睡○啣○魑○魅○隻○
蝶○無○情○小○院○淡○嫁○夫○不○願○萬○金○富○但○願○詞○人○知○
素○心○相○如○錦○繡○長○門○賤○子○建○珊○瑚○雜○浦○吟○朝○朝○
算○算○凶○對○景○鴉○色○倩○畫○髻○倩○整○調○瑟○先○從○乙○鼎○

熏○摘○詞○不○覺○流○蘇○冷○天○公○方○勦○月○老○死○紅○眼○將○
軍○來○越○境○莫○愁○湖○上○波○纔○綠○桃○葉○渡○頭○雲○正○靚○
老○媪○入○門○口○縱○橫○拜○見○阿○孃○致○款○誠○新○有○達○官○
好○身○手○願○結○小○星○秦○晉○盟○薊○北○現○擁○十○萬○鏹○遠○
東○曾○督○兩○路○兵○寶○馬○五○花○勒○紫○玉○腰○間○鑊○鄒○照○
朱○纓○烹○鮮○衛○霍○媿○權○貴○築○館○金○張○亞○飛○驚○每○恨○
愛○妾○換○駿○馬○何○妨○麗○質○傾○人○城○崢○嶸○不○倚○將○軍○
勢○婉○約○偏○多○兒○女○情○乞○閒○鞞○鷹○獵○修○坂○度○曲○聽○
箏○和○復○反○更○聞○孟○光○主○閩○閩○薄○他○趙○家○自○矛○盾○

伉○儷○和○祥○百○福○生○魚○軒○南○北○嘗○往○返○阿○孃○信○之○
心○失○算○婚○姻○何○必○冰○未○泮○肩○輿○珮○環○逐○灣○行○谿○
傍○媚○女○皆○流○歎○自○料○春○歸○在○綺○羅○豈○知○珠○用○爲○
雀○彈○屈○膝○盤○龍○雲○母○帳○纏○頭○么○鳳○璣○子○繡○書○畫○
詩○卷○隨○嫁○篋○筆○墨○文○具○還○無○恙○新○鴛○到○池○眠○未○
穩○細○君○打○頭○風○相○向○低○眎○察○顏○歛○絳○脣○半○頰○是○
笑○半○頰○嗔○翠○袖○誰○憐○金○谷○豔○桃○花○妬○殺○武○陵○春○
將○軍○膽○落○退○三○舍○過○旗○刃○虜○是○何○人○霜○飛○雨○洒○
飄○搖○期○燕○語○鶯○啼○寂○寞○時○多○少○詩○懷○任○抹○撥○心○

事容顏有鏡知。騷雅今生無酬和。誰想丫鬟亦
差池。繡裯鸞篋皆緣薄。寶曆蛾眉合數奇。不見
虞兮英氣熱。桓溫之婦猶心折。武人自古有風
情。女子何嘗無鑑別。吞聲聊收嫁時衣。一縷啼
痕一縷血。仰天南望紹興興。雲將軍不知妾悲切。
言過揚州廿四橋。據船欲墜坐通宵。淒涼永別
窺江月。哽咽兼聞拍岸潮。路抵鄒滕江南遠。二
東不唱采蓮橈。淚揮幾點悠悠。公家轉千巖細
細漂。柳絮無賴參差落。且傍車馬向前泊。生嫌

不似雲間鴻。苦趣爭如籠中鶴。執拂偏與藥師
逢。解佩真堪交甫託。腰袂束心堅若石。蕙憂蘭
顰朱作碧。孃行不得兒女力。妾貌竭來終一擲。
鴟言頻貼古陌頭。馬聲又到新嘉驛。老檜百盤
虬影攢懸藤。千尺虵身團重閣。面面圍畫棟。和
誰同。公倚欄杆瞥然聞。中波瀾起香損紅。感不
忍看。可惜瓊花歛顛倒。誰憐琪樹遭摧殘。撼屋
悲風黑。青急窺人腥霧蒼。狐立再三忍。歿玉箸
收。夜淡艸蟲睡。且蟄麒麟磨車已無日。返孔雀屏

徒○胥○淚○溼○芙○蓉○若○同○薜○蘿○枯○賞○音○誰○爲○風○流○泣○
一○生○文○藻○豐○城○劍○百○歲○衾○裯○連○理○楮○筆○慘○燈○酸○
心○恹○動○風○打○裾○帶○獵○獵○送○屨○廊○久○酣○獅○子○寢○雲○
雨○不○入○將○軍○夢○舊○衫○銀○紅○滿○路○塵○爲○抽○斷○腸○句○
自○諷○朦○朧○松○亭○淚○濡○墨○一○字○五○吁○十○酸○痛○指○輕○
毫○滑○體○瘦○癯○氣○噎○眼○昏○壁○饑○餬○懷○抱○彊○寫○不○能○
盡○酷○於○太○婦○囑○小○姑○綵○灰○能○活○貞○姬○否○玉○環○重○
會○常○郎○無○入○室○悄○地○雙○閉○門○鬼○走○妾○身○形○獸○存○
笑○他○錢○板○無○清○福○縱○有○黃○金○難○返○魂○蒼○蠅○不○弔○

邯○鄲○倡○青○艸○應○憶○歸○州○村○他○日○憐○才○才○已○鬼○但○
知○有○妾○妾○何○言○撞○鐘○考○鼓○海○堯○鼎○數○里○之○外○經○
窈○窕○陰○風○震○怒○山○容○僵○湖○水○莽○騰○日○色○眇○果○然○
梨○花○飄○零○盡○爲○傷○羅○襪○收○拾○了○彩○雲○散○後○水○空○
流○佳○人○何○處○煙○縹緲○女○子○尚○爲○知○已○用○文○人○信○
出○俗○塵○表○啼○鶻○幾○夜○向○墓○悲○恨○骨○千○年○爲○誰○曉○

潘嘉客墨詞

此○墨○不○遜○石○墨○古○燒○松○攝○魄○松○無○主○骨○勺○肌○膩○
十○分○堅○沆○瀣○氣○結○皂○雲○舞○老○春○携○從○鬱○蕭○來○海○

立波翻蒼水。怒炎開豹囊。橫書屏。細溜巖泉研。
底聽蒜髮羊字玉板地。排香走龍作新勢。顛來
淋沫任飛洒。點點漬入銅雀瓦。岸憤啜罷虎丘
茶。又走數行芭蕉下。

端研歌

山割平。溪鑿漸空。誰爲染石淡。猩紅雲膚截得
鴻濛氣。置之几案肌。膩豐方家于魯墨。能發松
髓微流。堅花骨一尺。黝蛟濡青涎。五色蜻蜓醉
香窟。同年曾說黯淡灘。獸尊鵠眼卑豬肝。不磷
比德多切磨。泓崢友于無間然。池翻渤澥鯨風
起。體敵峨眉揭斗寒。與我周旋真有趣。只恐袁
豹妬功緒。收來怪姿在綺函。勾太濤力爲雷雨。
內子屢以癖相訶。結爲膠漆呼奈何。吟詩濡髮
叫不歇。雪中抱研看明月。

賽神曲

祝融六月封海水。山渴木焦雨禁止。神巫傳語
龍軼飛箕冠。霓袪照甲紫長旂。孑然翠蓋圓冷
風。醉杳若聞湍。仰天躡地紛若舞。胡咒瞑眸四

座寒須臾雲中雙鬟小。儂俱磨牙偃白旄。神命
麒麟駐礮車。手掬西海付地媪。桂醕神醉回日
中。紉鼓吹香黼霧濃。巫急駟伐鋌如蚓。拜喝前
驅絳綃紅。瀉池拜別臣奉牒。開封役雷給硃帖。
巫身嘿歛箇步搖。餘聲玉局燼燁燁。

睡足

咎季同會田鳴岐。報國怪崧雙坐坐。呼酒盤礴
意氣雄。仰面造化呼小兒。髯君眼大心亦豁。螺
書歎命肯數誰。稱詩惟欲除旅徑。押字摘藪惟

爾爲力斫大矧。出巨手抹殺古本無奇姿。胎氣
隱隱另胥結。夜半戰鬪用偏師。心計驅使從毫
變。山炎水態目攝之。每讀古人意奇處。臥讀忽
起欲奔馳。電母迸裂天河水。霹靂擊碎西瑤池。
龍翻滄海扶桑倒。鬼嘯雨黑無人知。墨瀋顧我
力不足。讀書數車胸不奇。幾欲賤之腕荆棘。剡
藤枯澁霜蝕皮。磨刀裁取澄心白。顛塗仄抹無
好詞。約掃清齋煮屠蘇。試對雅頌觀鼎彝。莫嫌
國風陳千載。春暖花間再論詩。

邯鄲黃黍歌

原傳黃黍
世訛爲梁

季來放曠有仙癖。欲驅名山居胸膈。顧驢騎入
邯鄲道。游人題徧芙蓉壁。巡簷像下悟虛無。合
掌夢中拜標格。黃黍瑤艸人莫認。我今復來踵
遺跡。六龍推日不敢吞。洛霧黏天天勢迫。卻思
功名一何勞。飯熟不動莫雲高。醒後鼎騰煙一
縷。仰眠太行如秋毫。耳邊錢船聲不住。塵底朱
輪晝夜勞。不如早把申庚配。嘗囚星辰生羽毛。
嗟嗟難打龍角。上天脊。呂公邀我在咫尺。月窟

誰當太白精。禿毫爭是支機石。再莫簸蕩胸中
濤。鼯鼯尚說精光射。無心瀟酒卽睡方。神仙總
算夢中客。等閒一笑三千歲。五侯蹴躡長安陌。
君不見銅雀臺。廉頗壘狐狸。夜哭跳山鬼。

鷹摩歌爲玉調

洛汭張君意氣豪。鴻儔鵠侶出其曹。標格宛是
鷹。摩漢颯颯蒼天秋。氣號長庚天精誕。不多墮
地。雄姿森孤高。星眸獸帶鍾山色。雪翅新凌蒼
海濤。嗟乎神物仁勇微。一蠹直裂數里鵬。目視

擬山園選集卷之九
宇宙空寥廓。背負二曜如。么星望風瞻。卓不敢
出。溪山大澤妖。路兮山中怪。石獠攫狀老樹干。
季屹相向長鳴特立自。龍從鷓鴣乳豹皆惆悵。
九月十月霜威嚴。致語佛佛莫彌望。夜咬聲聒
徒爾爲君歎。致力青雲上。丈夫諫議亦如此。受
甲使鶴安可倚。搏蠹驅凶倣崇羽。脫條奮翼照
金紫。梟鸞分明續鷹揚。八荒安寢無殿屎。張君
勁骨不可當。腹羅衆宿魄。端方庶鳥爭。與瑞鷗
喙令我太息神。慘傷叶者咸言太兮久。豈爲一
時坐休光。

擬山園選集卷之九

終

擬山園選集目錄卷之十

七言古詩

四十二首

甲子長興

嵩山

誰知詞

捫天行

吉祥宋時梅

詠膜脂井

哀荔枝

偶詠子美畫馬

莫過邨山

少季歌

國學古鼓歌

胡生行

熊耳山吟

錢塘聽潮

秦淮行

鯨鬪歌

諸友濶別

魚船行

觀二壯士

噫嘻行

子訥家傳

惱春行

善馬行

歌聲

題山中出舟圖

官施粥

狂歌行

寄題峨嶠山

妾薄命

燕市

少年歌

鐵門歌

日色黃

過西苑玉竦橋

路遇曳一小車

前數日雨降

西軒燭下觀樂

玄同全曾丈入都

魯叟送筆歌

四月歌

贈懷州孫伯生

海上釣鼇客歌

目錄

終

擬山園選集卷之十

孟津王 鐸覺斯甫著

古漳黃道周幻玄甫閱

七言古詩

甲子長興吳野樸刺石縣長城內沸貞卿
勦其衆

可怪雒州走毒龍古花刀斑珠光籠刃向長吏
白日昏髑髏模糊殷芙蓉小吏逐逃藏以空壕
秃衿主薄斫皮毛紅眼戟鬚呼其曹城中之人

如亂麻。墨夜鬼。燐撲人。號天目。倒仄罨。画崩頽。
獃。獠。嚙。人。椒。圖。半。摧。陰。風。吹。沙。腥。氣。來。破。城。雨。
打。無。花。開。冥。漠。暗。中。命。楨。卿。號。令。雙。手。提。風。雷。
魂。振。膽。氣。粗。鉤。鏃。鏃。鏃。何。有。哉。刁。斗。聲。症。祕。受。
命。往。約。城。隍。爲。伯。仲。鬼。雄。霧。障。纏。屣。韉。豹。旗。心。
迷。諸。賊。夢。奇。策。自。儵。忽。若。雪。氣。色。復。杜。郵。劔。花。
黑。離。離。鏃。癢。斧。痕。賊。皆。哭。毒。龍。磨。牙。縛。始。馴。菰。
城。狀。流。局。謀。合。人。與。神。司。理。君。屠。龍。人。夫。椒。顧。
渚。洗。拭。新。浙。之。伯。安。猱。洞。無。乃。爾。火。色。麒。麀。誰。
可。倫。嗚。呼。猱。獠。掉。磬。盡。凋。死。墓。穴。狐。叫。春。風。起。
更。望。真。宰。命。大。馮。爲。余。遠。騎。燭。龍。噴。香。雨。

嵩山

嵩山予所游息寢處區也其幽勝菁蒨更在
山之陰石勢崿趣不獨絡青送黛可以薄人
之濃澹人之清歸返自然王神而冥于道予
來南都舍此天理倒景枕爐盧浩然不免晒
我作此呂埃後日靈矚若夫苟事宏涵山情
乖二者不作此想矣

高山之陽得深谷。深谷之中養耳目。我曾挾書
居其中。朝朝暮暮與雲宿。幽獨無人花自開。有
時仙來騎白鹿。相對不言看山瀑。

誰知詞

小角隱暗孤陽匿。桂蠹蟲復聲窄偏。誰知病後
岑岑。悞夜看垣宿。皆雕刻古。免冤蝓年無力。窗
穀白。皴瑣文直。銅龍咽涎無寐。宵穰穰城鷓起。
漸高。

捫天行

媧皇不欲玄黃厄。調氣補髓多痕迹。一手掃却
妖形雲胭脂。染日飛變白不見。穆王驟雄圖星
辰。鉤鏤馬是魚。羲和鞬截朱璣瑜。命虎犁雲服
休屠。英姿猛腦玉莖。養班騅。凡骨羞立仗。王母
塚艸龍媒哭。蹭蹬崑崙空悲壯。

吉祥宋時梅

古寺竹深墨雲起。山腰雪樹出短堦。鸞髓作膩
青鐵紋。三軀盤蛟能不死。春風吹動萬柯花。夜
夜香浴天河水。十二朱欄不肯開。老僧手指口。

無語壽且康。寧千百春鬼。拾璠璣。嗅妖紫。我來
不忍折其英。打太南。鶯得靜理。叮噓冷雪。莫相
侵。南朝顏色。惟此矣。

詠胭脂井

荒煙一逕松杉影。何處香吹古雲冷。爲問當年
粹挽時。石砌艸綠出。修綆鉛花未洗。獺髓薺繡
帳流蘇。紛不整。狎客散盡。詩成灰。至今寂寞餘
智井。蛺蝶猶繞銀杏根。鴛鴦不棲烏潭嶺。古來
尤物多妖蠹。封事不理。晝不寤。擒虎猩袍鐵甲。

聲蛾眉空使將軍怒。井泥無波。井韓沉。感歎曾
被胭脂污。蕙心蘭質。淚爲血。極目江壁色。青鐵

哀荔枝

炎雲蒸歎。站鳶時。遠憶旗山。嘗荔枝。硃砂無色
櫻桃淡。芳香滑。流紅雪。肌筠籠。緝寫亞千顆。龍
眼橄欖。克下果。蠟蒂斜封。剪絳紗。火齊光。焰目
瑣瑣。却憶涪州。貢事同。唐家驟駒。紅塵中。蚤雨
蠻烟一。萬里淋鈴。涕淚溼。秋風此物。自管能脛
走。不如血色。葡萄酒。後世莫學。妃太真。延秋輦。

鼓愁殺人

偶與友詠子美七言畫馬諸歌是日便得

太宗六駿碑

少陵老後無歌行。年少何為輕譏評。與君抵掌呼之起。精神如生為不平。因觀石圖有所省。風入森爽拳毛冷。古來奇物具異姿。踈蹄奮鬃神炯炯。六龍莫謂人間少。虎視熊踞雲霧繞。天肇弘基驅群兗。人馬相得識驥衷。此馬倔强不輕見。衝敵破陣如崩電。昂身恥受鞭策痕。猛氣猶

帶戰場箭披玩。使我壯心喜愛爾。拳毛颯露紫建德金剛何足言。火晴一躍辟易歿。酒泉冀野猶伯禱。生不遇知樞。間老辱於僕。隸無斗粟飢。鳴何日幽燕道。吁嗟駿骨心不下。豈與凡馬爭高價。刷夜立功望英雄。悠悠誰是相泣者。皇帝愛之重如山。驅駕武臣指顧間。恨無子美好筆力。千秋慷慨激心顏。請問昭陵左右傍。公侯墓破亦可傷。猿啼狐叫無人行。獨有片石殉山岡。九嶷至今靈光射。鍊色蒼然有精魄。後世馬政

攻騰駒有益息馬乎此石

莫過邙山

日黯慘人顏壞墳黑狸穿銘有歲月漢時侯賣
與貴家重寫鐫當其歌舞驕奢時豈知後人爲
嗟咨

少年歌

少年歌可奈何少季意氣如虹掣少年權謀如
堅鐵昔日紅顏侶張緒咄嗟轉眼成耄耋珊瑚
賭來丞卿怒金穴珠樓萬年富那料鬼伯催偏
急妖紅豔綠委乾露委乾露網蕭蛸無兒孫長
白蒿黑雕夜宿荆棘生竹帛何存蜻螭鳴

國學石鼓歌

岐陽怪石來幽燕古骨碑砢周相沿往日曾誦
韓公詠嗜慕牛生相糾纏我車我馬侶二雅細
文盤回語所填睇之中興雄烈在徘徊不覺心
茫然却憶宣王提兵起赫赫虎視窺八埏獫狁
駟伐徂淮徐鼉鼓夾鉦聲崩崩左个青陽趨大
球却命諸侯隨蒐畋重武不是鹽禽利魚馬鏃

戟張兩甄大獵前驅急繕旗。凡馬不敢來騰騫。
軍旅有禮何其盛。獻豸下綏相喧闐。卽此壯略
所宜紀。便使羽騎壓甘泉。諸臣稽首爲宣示。曰
吉。鑿石伐山巔。龍拏蛟怒。三代形。鵠頭螺脊。詰
曲旋老鸞。顛訛知何歲。日華斑駁不記季。帝命
文鬼時。呵護土蝕蟲。啣澀銅環。字勢疑是史籀
體。六百七十法。屢遷古人作書非易就。度數次
舍齊璣璿。細查缺劃。往往現疑義。與辭難俱詮。
章樸頗與薛鄭釋。剡苔倒蒜毫髮研。摩娑銅狄
良有以。神禹岫嶠堪。並懸伊水猶沉軒。黃鼎祭
父徒傳封禪篇。鑿乎此石誠幽堅。悅爾立身周
秦。前方今寰區非無事。虛譎張皇糜金錢。戈鋌
頑鈍皆不靄。車徒詎得如周宣。興王嘉事規模
在。雲煜文允出芊綿。我朝銘勲告後禩。命臣
曰。汝其纂編誠惶謹。恪而書之。金石龍文文有
權。但願寶墨爲鐫華。納之原廟升中天。

胡生行

胡生負氣好高遠。胡生有才相見晚。悠悠世人

那得知惟我相與特賞之君不見峩峩雪山胡
自而西盼又不見洋洋滄波胡自而東扇只是
流峙率其性此豈有意爲人羨肝膽未可向俗
明磊磊落落原易驚不知片言合骨髓別妻出
門輕歿生荆卿雖拙侯嬴老難以利鈍評醜好
下齊救趙指顧間英雄性命非艸艸人之貧固
有貴于璠璠人之富固有賤于蛤菹願子努力
坐不朽豈是區區章句書

熊耳山吟

福昌蜿蜒西山岑竹光蒙茸山氣濛胡爲乎穉
峯沓嶂不可辨令人爲發太古之遐心昔時積
甲欲與齊回溪東拱翡翠侵瑤華可采人亦少
空青靈異自陰沉乃相語曰令我未入邃壑撥
烟霞聞有諸虎宅哈呀至今北斗無晶韓衆死
石壇峭洞空桃花題詩何年留石壁長歎有日
驚龍蛇吁嗟哉戰鬪之事須臾余澗水無聲日
又斜世上擾擾東西奚爲者何不入山牧豕鋤
胡麻

錢塘聽潮歌

西湖月落天未明。廚人爲語潮欲生。忽如崩雷裂九霄。山倒海傾地始鳴。我驟耳之心頗壯意。與激昂相震蕩。鼉母蛟孫曳戰車。神斧鬼戟屹相嚮。吾聞天地不得開。吐氣翕納屈伸間。此亦造化發狂處。簸揚溟渤亦多端。陰疑于陽。玄黃血怒力坤軸。無折缺星辰受浴不敢爭。無人截斷滔天雪。黃河積石下龍門。岷江灑潁夷陵犇其威至此小臣伏。伎倆豈能撼帝閣。安得大力塞海。鰲安龍睡聲不作。勿漂廬舍殺城郭。日跳月躍長噩噩。

秦淮行

青溪水綠出南部。午日遨遊動簫鼓。行人半唱西江詞。不盡輕舟乘煙雨。金陵佳麗自吳開。南渡相沿又翰才。六代何如我朝盛。蜀粵帆檣萬里來。黃金王氣結皇州。盧土遠近界作畷。翡翠帳邊酣一石。藏鉤戲典鸚鵡裘。珊瑚相競于闐花。刻鐘銘鼎五侯家。北門來自御史巷。太保園

中玉辟邪。別有筵設。小橋渡。瑤樹飛。薨俯水路。
纍山直欲。儼蓬瀛。更種香荷。裊綠霧。鴛鴦水嬉。
東風好。蕩漿吹笙。泛萍藻。五月梅花。曲不愁亂。
指斜入。烏蠻道。幾處揮毫賦。新詩誰家。獨坐對。
呆恩。眼看明月。俞兒舞。翻成子夜。知爲誰。銀燭。
紗幌。不聞語。玳瑁爲樽。麝脯俎。別院細焚波斯。
香檀板。死轉隔芳渚。大鐘大瑟。終夜聞。醉汗羊。
欣白練。帶銅漏聲。咽鷄喔。喔兕觥。殷勤還勸君。
勸君有酒。莫空歸。吳王霸業。是耶非。當季氣。魄。
風雷張。山花江草。炤朱衣。鞭楚娶齊。殊不巳。西。
施豔處。懶早起。伯嚭儘足。爲內蠹。矧爾沉蠱。煮。
女子長洲。躬獵日。竹燕泥沙。金錢盈歡。拊不覺。
蘇臺糜鹿。走宮舄。啣花人。不見繁華。凋謝。晉不。
住空江。洶湧填何處。漁舟歌發。燕子磯。岸日風。
號。烏柏樹。蔣山嶼。蟲有老獺。蛟門崩。泓有囚水。
千載空餘。煩冤雲。秦淮此後。復何似。我將客淚。
灑鱸葦。世事悠悠。何足論。不如散髮。台山去。臥。
食龍湫。萬古春。

鯨鬪歌

孤艇曾宿江港頭。人言下有火龍囚。鯨魚每自
矜其力。乃遭雷電擊不休。須臾鯨魚僵。子子身
仆十丈浮。還咽水沸岸裂聲震怒。湍蕩盤渦一
江血。鯨魚之強何太愚。胡不遠遯忍斯須。

諸友濶別

管日邨墟長相從。梯酒論文貧賤中。一時意氣
深相許。延望俱是噓雲龍。不學鬼谷慕恢烹。不
學敬通有口災。經術頗據賈誼氣。往往絳灌妬

其才。世事蹉跎。鼎自愛。有才終須大車載。茫茫
豆眼誰能識。騎驢青山生感慨。刷羽飛騫屈指
數。落筆龍鸞壓繡虎。定恥齷齪商估爲。活剝生
吞恣所取。我紫知君能守貧。蓬蒿一室魚鳥親。
鬪鷄六博非夙好。寒梅寂寞不知春。眼中磊砢
有數子。奮臂一呼及強仕。神蛟閭闔排雲上。鳥
王怒扇滄海水。囊中銀鋸珍重無。剗斫兒爲斷
封狐乘輿騰杏籥。浮雲頓轡遠入崑崙都。况君
蓄志不可當。豈爲小艸同尋嘗。鞭虎罵鱷人間

事還期手拂若華光。我今病瘳不食藥。君亦不
饑田附郭。自知此看有日。伸誰肩漢家薦衛霍。
世上勲業心如醉。十八九年祿可愧。天生我曹
詩書乎。何不洪鐘一爲試。

魚船行寄弟鏞。鑰子無黨無咎。

曾於東南觀滄海。水濶日小山。巖巖石梁。呂東
皆仙窟。不住深山。今尚悔南北。歲月空馳驅。報
效何事。操夜觚有非。未知過四十。惱汝不寄一
行書。汝今津口與誰語。幾知風雅勝鼎呂。恐不

成龍終成豬。未能變虎反變鼠。念此我心將奈
何。懊懊作爲魚船歌。河洲捕魚吾所欲。歎乃山
光青嵯峨。餽口猶有負郭圃。紅蓮綠柳足煙雨。
一艇閒釣縮項鱸。季子金多真如土。范蠡有金
益子愚。况汝不爲好古儒。菰蘆乃我之時命。我
尚不歸何所圖。南山有狐北山鷓。封侯屠沽聲
啁啁。昂藏七尺何不可舉。目閒看鷺鷥濤。鄭虔
貧歿王通老子陵。被裘從來少。山腰蘿薜日下
飲。農夫穉子醉傾倒。醉太不復學鯨吞白眼那。

知王侯尊醒來鹿門携妻子矯首長林閱過雲
汝不聞梁王鹿苑空荒苔貴盛熒煌傾八垓千
秋獨有明月在月明羞炤梁王臺今我不樂真
自誤鐘鳴鼎食羶行慕汝曹爲我備棠棣逍遙
水鄉弄山霧

觀二壯士舞寶刀歌

寶刀寶刀高五尺霜華匹練夜炤白仰胸掉尾
青虬鳴斷蛟削熊如無力神爐靈火煉五精水
母冶成甲戌庚玉璣時時淳秋水提向赤目陰

風生此刀自入伯氏手左盤右旋能飛走掣轉
忽覺電滿身血痕欲濡黑蒙眊仲始迎之勢窈
窕山嶽低昂隨顛倒鬼物撇塹人辟易饒蛇叫
號冤虹惱彼此擊閃才且雄瀏灘頓挫割空濛
觀者已覺色凋喪心手未應難爲工爾輩猛銳
數豈奇食牛氣力會有時屢經流寇渾無恙詎
同市并鼓刀兒舞罷我乃爲刀泣寶刀韜藏礪
鶉澀鯨吞彪戰復賴誰攻城略地何嗟及汝仲
汝伯莫欷歔愛惜不減焰乘珠鴈門赤城漁陽

塞恥令中國無完廬。慎用此刀心愈下。時來相
濟盤封馬河清。鳳見非無人立功。豈終無知者。

噫嘻行

噫嘻哉。男兒五鼎餽於公。自當吐氣如虹見田
龍。不然於食有福空度日。默默遂與艸木同枯
榮。管之曹沫好勇客。突甄奮力贖三北。相如睨
柱虎狼秦。曾令擊缶辱其身。世人誰能重意氣。
山子不遇九方歎。炎廐凡馬相燔炙。甄既無儲
笑貧鬲車轂。馬纓五侯門。勞軀何故熬精魂。噫。

噫哉衣冠浮雲繁。華逝水曲踞擎拳拜玉卮。印
自纍若帶悸委。幾見曾酬信陵思。感動翳桑入
骨髓。石可泐。江可竭。朋友一飮殫。悃悞委質仕
。廡沾妻子小言大。祿何顏色君不見。口腹壺飡
與羞鼈。提挈英雄心。膽熱使我泣。下紛紛亂如
雪。

子訥家傳銅欹器圖歌

曾聞魯桓之廟。縣古銅班駁。重器非虛形。又聞
虛受滿則害。管人坐誠寘。宮中給諫自言肇元

祐宣仁太后嘉祖庸賜之八百季以外內家寶
同熟釜供藏在晉江山海曲南渡以來表忠貞
展眎黝色如屈鐵一梁兩柱纏龍蚣水痕窈窕
雷文異盤無饜饕駭吉凶周時宥座流傳久猶
有蒼翠結青空孔子敬之貌爲變我於此圖不
敢宴湯槃武銘今已矣莊對况立闕宮殿制器
中有淵冰心不是罇竿爲細玩側身等於馬索
朽危機欲發弋人篡虎噬豹牙在几席蛇談蛟
鱗生竹燕厝足動履萬仞崖崩峯半壓驕人面

旣艱險以嶽岌更傾仄而惑眩出王瞿塘尸居
電電砒鏤土華白日寒使我齋慄淡顧盼鬼挐
神護宗祊光雲仍崛起互燦爛不數衛國命烝
彝堪作千秋一珤鑑給諫褫躬允端清放彼鄭
音奏濩諛偶然蘅杜霜色着歸禮衆岫增新榮
瞻歆器兮吸吸扣雙篋兮砰砰棖桶依狀祖構
在摩娑連爾汰物宏携之重逾軒轅鼎繡裨璠
筥不可輕焚香君鏘然後出躋蹶日慎精神生
曠睇盈具兩儀厄此器骨相山峭嶮給諫爾器

終大用海煙豈得長鷗盟。

惱春行

憶。管。長。安。日。初。為。長。安。客。西。山。閒。看。山。春。初。山
雪。白。人。生。百。年。凡。幾。何。又。向。江。南。釣。水。石。故。園
花。樹。城。之。陰。千。朵。萬。朵。開。滿。林。牀。邊。香。影。流。濃
色。樓。上。珍。禽。弄。好。音。兄。弟。逢。春。常。對。酒。客。中。逢
春。今。搔。首。陽。春。於。我。真。有。私。群。芳。寒。盛。春。何。有
楊。柳。尚。冷。玉。河。橋。桃。李。不。放。碧。雲。高。閉。門。擁。書
帶。肺。病。雲。花。颯。颯。吹。二。毛。春。亦。不。為。人。人。亦。不
為。春。明。季。春。色。依。然。在。還。恐。京。中。陌。上。塵。

善馬行予得此馬入都服之數季

善。馬。善。馬。凡。幾。匹。圖。中。見。之。神。光。逸。染。毫。漬。紅
龍。為。馴。吐。舌。牧。人。啞。第。一。何。因。歛。爾。得。此。駒。迅
飛。奇。姿。驚。北。都。不。但。降。飲。目。瞳。異。中。夜。不。卧。蹄
鬣。殊。似。能。邁。乎。魯。之。回。又。似。出。乎。率。之。陽。岬。若
斷。山。駟。且。勇。無。人。識。爾。真。昂。臧。國。君。之。富。以。馬
對。廝。養。不。同。應。幾。倍。俛。仰。乾。坤。獨。鬱。陶。櫪。前。慷
慨。只。流。淚。英。雄。重。馬。命。相。依。血。汗。向。我。生。光。輝。

揚山園逸集卷之十
凡羣與伍。寔羞之。倔彊真隣。知已稀。世人貴。同
不貴。異驥。裹過眼。反猜忌。按圖茫然。辨色毛。以
貌取者。毋乃是。今乃正告爾。馬曰。方歎覓爾。立
偉功。知與不知。一笑中。肯同駑。足飽官。桌坐頭。
老病向秋風。

歌聲

東家歌聲。胡曼裝。夜夜錦席。意未央。清歌婉約
不知愁。靜中聞此。獨徬徨。看劔擊。筑好結客。春
寒壯志。風蕭索。丈夫般樂。忘國恥。每聽歌聲。頭
欲白。

題山中出舟圖

我管彭蠡。揖廬山。一艇吹入。怪波間。榜人呼叫
撐崩澗。瀕洞蛟鼉。不可辨。須臾得出。仄險中。湖
水怒立。又雷風。船頭懼愕。尾懼浪。柁移颿。斜神
沮喪。幸涉老厓。維於岑。天昏日眩。收外心。此圖
危吉孰。畫者驚魂。似我五老下。居室安處。易忘
憂。見汝艱阻。意崢嶸。安肆日偷古。所誠蹟。山蹟
坪語當拜。

官施粥

大吏下令粥救民。小民無不戴其仁。孰知所粥
 爲若何。徒鞭富家擾人心。官倉渾無升斗給。傾
 室索取復攫金。倏忽賣牛供里長。可憐富家盡
 爲貧。從來王政持大體。乘輿溱洧濟者幾。譬之
 醫家診方味。費藥藥何諱。悞人人何費。醫費藥
 材尚可言。人費人歿不可原。曾見掩淚爲予述。
 破屋無衣飽蟣蝨。徒滋蝨螫身。手肥造冊報曰
 施粥。早已矣。夫吾民不願官相賙。狐鼠城社慘
 戈矛有司愛民。禁其虐。卽不食粥。餓歿心亦樂。

狂歌行

西。方。之。日。日。西。沉。東。流。之。水。水。東。侵。人。生。如。醉。
 醉。復。飲。少。壯。幾。何。愁。人。心。朝。朝。算。算。長。安。裏。不
 如。鴻。鵠。拂。白。雲。艱。難。鏘。珮。恐。懼。華。簪。羈。縻。好。爵。
 有。慙。壬。林。胡。不。置。酒。乎。高。堂。之。上。調。瑟。考。鐘。鼓。
 大。琴。醇。酒。百。壺。而。會。知。音。朝。廷。壽。祚。千。萬。春。
 南。滅。強。寇。北。救。三。秦。太。阿。不。竊。撫。彼。五。辰。四。海。
 有。外。戶。之。桑。農。山。板。有。善。權。之。隱。鱗。我。可。倘。佯。

飲酒高歌。今者不樂。日月無多。雖曰黃金之如。山白壁之如阿。騰仕不止。謂如何。騰仕不止。謂如何。

寄題峨嵋山

峨嵋之峰拔地起。氣吞下視幾千里。幾人拄杖游其巔。每每思之夢在此。或云真人煉藥在其間。丹砂靈飛太清邊。雪山巫峽小。情性帝命尊。巖壽噴吮。題之者白玉籙。守之者騎龍仙。神光旁照三千秋。瞿塘不敢生狂瀾。惟君與爾約清

秋。鍊笛空中同遨遊。晝登峰以眺望。夕禮斗而藏修。虎豹猱獾可以叱之。太安期琴高可以招之。叔手捫天眼與月窟。何異五城十二樓。王生曰。我願正欲與之儔。天地萬物皆虛舟。茫茫元氣胸懷裏。黃精不餌不白頭。蛾眉之山竟爲我之眷屬。噓噏定遏長江流。

妾薄命

閨裏時聞轆轤曉。簾外春風吹綠鳥。欲出還止爲愁深。未央笙簫猶未了。懶學新樂小坐手。櫻

揚山園選集 卷之一
桃花發盛楊柳。蛺蝶搗成未能裝。鴛鴦繡罷將
纈口捲起。牕前絳縷紗。鏡內新粧。頰似花。菱身
當熊。只爲主。何知鹽汁引羊車。命實不猶彼。其
子不須啣淚。緘詩。歿羅衣。應有歌舞時。暫且收
拾在笥裏。躊躇更添玉。瑒香按圖不遠侍。君王
君王重德不重色。愛惜紅顏莫斷腸。

燕市

一室圖書隘於環堵。終夜繙書何其太苦。五侯
門前日光殊。笑我愁心只好古。青蛾與紫裳。齒
齟而肴。燧繁華。張燭徹夜輝。擊牛炙羊不足數。
玉斗百雙。頃刻可賭。明珍十斛。賤擲若土。衛家
過市觀如廬。霍奴出街氣如虎。今日伐鳧鐘。明
日搗大鼓。一聞羽書以聾。以瞽黃金臺。荒誰退
敵。拔劍叫月獨起舞。

少季歌

少年慣騎桃花馬。迅飛卻走雒橋下。道傍驚歎
指王生。宛爾幽并豪。俠者折節讀書。獻賤客爲
官氣。獨如屈鐵戒酒。割太千古憤。惟有詩書割。

不得朝。莫入衙。衙官見墨勞。紙故押題徧。無復
風流二十時。懶意逾覺名心淡。去年邊馬捲沙
來。插鼓鳴金無一戰。虎噬鯨吞乾坤駭。七十餘
城還不厭。至今鬱悒天爲愁。令我中夜自流歎。
直思壯年鬪勇決。快馬過鷹羞學劍。開匣肝膽
自相親。百尺虹光七尺身。欲泣不可歌。不可按。
劍伸着吊古人。此生報國知我少。吳鉤已澀
裹老白眼空。爲二品官何如賣藥箕山道。

鐵門歌

長安冷日日華澀。鐵門擁出氣勢急。錦璫鼉鼓
震地鳴。大杖喊聲一齊集。傅子右君不啻啗百
虎。嚙肌心如石。眼中真是鄒吉水。甘心結血血
成碧。掖歸目中犇驚濤。短衣破被如狴牢。自言
此軀矢報國。臣罪當誅無所逃。我一聞之爲歎。
歎爲臣不易心。刻雕湖州已被螻螿飮給諫。氣
與星辰高。明日右君竟不起。龍比相歡何生歎。
市上小兒泣。且謠臨川死。諫復如此繁。鞅南歸
路孔棘。樅陽敷淺行。不得一聲猿。叫不堪聽。江

雲江柳生愁色

日色黃

出溪逢漁父入山逢衆石此山與此溪不管遠
行客因知人易老催人水東流挾弓提劍走上
都男兒滋悔是封侯日色黃風色黑行路信是
難鵬號棘樹澀東西南北果繇人兩足重繭酸
心神世事酒杯寬舞劍笑衣冠王生王生在已
久一旦攢鬚髮如韭

過西苑玉竦橋

地裂海飛橫逆波李寇一目操鐵戈加賦獨厚
刑餘者坐看擲破岳與河走馬轡過龍舟塢旅
葵鴈麥官家土震虢不辨棟是誰東直門開入
金虎瑞通寇開門內應一度春風一斷腸天數如斯人
孽殃經行灌木毛髮慟狐乳龍滌不可當玉樓
沉水金瓦太畧房泯滅不知處數里回身技淚
看落日蒼茫起烟霧

路遇曳一小車單轂載四大簍斃器努氣
作力陷于泥淖予見作賦

狹巷開壕泥土內。一輪勢重欲遠載。汗肩繭足
蹙蹙然。危如累卵不知退。忽爾風粗雲旗翻。竹
裂石鞞倒柵門。負重亢尊塗可畏。老翁含笑獨
無言。

前數日雨降偶詠

白鬢坐坐性愚魯。昨日被裘冒寒雨。古偽龕腹
淨綠香。北齋跣足誰與語。捫筑高歌小婦和一
壺濁酒。柳邊坐蒼鷹日飽。大官房但見饑。身雨
中過。

西軒燭下觀樂

西軒飲酒出秦箏。誰佐蠻笛聞媚聲。披帷淺笑
低雙鬟。一片幽心畫不成。太平樂調首重搔。不
圖聞之星勞勞。花題酒多惑不惑。鸞帶玉翹左
執翽。新歌細按南音譜。黃金難買公孫舞。香風
自古忌太濃。君不見見漁陽。蹠血鳴邊鼓。

玄同全曾丈入都握手敘舊坐四十年作

歌

君不見白波蕭蕭楊樹老。光武古陵覆枯艸。好

花相對難別離。毒蟒封狐爭相擾。又不見往年
廟中舉。斃觴銅馬。銜脰忽猖狂。逃生東走牛庄
灘。僮僕土色船中藏。驕將黠兵如獬狗。鼓柁燾
養姑蘇阜。一生不積金滿籬。百戰身存思好友。
我今將至七旬邊。親戚多填刀箭瘢。天傾地破
仍相見。騾軍牛戶心悲酸。酌酒爛醉氣如虎。歿
生心。竟君同苦功名休。說龍額。侯劫風吹山山
作土。

魯叟送筆歌

春風空濶南窗夢。夢彼髮仙。驕紫鳳。醒而賦我
如椽筆。封裝林簇香龍脰。銳毫乃能三寸長。圓
瀏頓挫堪任用。几前穎禿筆牀空。一朝使我心
掉罄。可知事無大與細。休徵豫有夢相應。霍君
繡虎救時才。飲酒真率樂孔皆。閩海小試銷群
鱷。英雄肝膽揮九垓。念我舐筆蠹魚伴。力衰無
志。白龍堆赤脚。暑月無塵事。椀煮香茗咽燕胎。
夜半提携如意舞。晝或濡髮畫山峽。張芝旣亡
逸少歿。小書大書澆金壘。焚硯不成牢騷結。寫

字作詩心已灰。世人求富多老洫。誰肯披書飲
天棘。視之蝌蚪金碧錯。華飾飛走徒禽息。魯
再肯貺。踰糜眼昏還作綿裡鐵。交好意氣書淋
漓。獮。翻。醉。月。青。山。凸。

四月歌爲路若素先

四月之初天意漸暑。江南奇人路若路若又邁
汝一室棗林丁香花讀書作畫。惟君善逆旅。此
時久客敝輕裘。無復青天醉酒樓。楚波江漢楚
材雄。道素先。少年堪與路若疇。如古書厭時流。

夜夜一卷時時一甌。遠滌富貴熏轢之俗氣。近
洗懷抱鬱塞之深憂。可憐哉。交道古來皆鬼魅。
相好相寵相傾相忌。乃習爲涉世之能事。不能
耐久。露機鋒可見。從前偃身者。低眉豈非假顛。
顛陳張二君。英雄姿八斗。才華蟠胸奇傲骨。成
天綽具清規。所不屑屑。乃在乎呶訾而粟斯惜。
乎命未通。若令命亨通富貴。反掌誰能知。且觀
腰下所佩之刀。其飴利真無敵。繡囊蛇鱗中有
霹靂。旣無恩之可報。中夜吼聲寶匣光。怪對岑

寂每與欵留觀其盧牟歎今時奇才何多隱伏
安得不鬱怒而彪休詩文書畫豈肯不與古人
之美相併告二君君莫愁獨不見鳳之羽與天
游萬里世聲秋秋

贈懷州孫伯生

君來相見二槐居青錢買得雙鯽魚命婢斫膾
加薑桂濁酒清歌興何如對酒歡欣何所佩贈
君小刀鮓鞘內割肉青蛟八寸身君宜佩之走
魑魅人生聚晤良有神州郡崩裂曾愴心有讐
不報真長者相戒休交機巧人

海上釣鼈客歌

我生性何偏最是懼人事軋盤衆中沸喬爭果
是誰來慊人意房君靜默神獨全胸中淡漠非
爐然家近東海不釣鱠惟釣神鼈忘歲年魚倉
蟹舍任凘水何者爲鈎何者餌李白所詠確有
據非說神奇好儵詭昔年爲君畫此圖松岑幽
阻坐鴻梧龜甲難得蛛絲賦海濤萬丈醉龍珠
前夜飲酒不停杯地底鼈恠應驚走合窳剌山

不。敢。來。高。歌。摘。星。弄。北。斗。嗟。嗟。如。此。爲。釣。翁。其。
概。一。何。雄。性。全。骨。方。氣。吐。丹。虹。此。圖。原。不。作。畫。
觀。乾。端。坤。倪。簸。蕩。明。晦。于。其。中。他。時。別。離。在。遠。
道。相。思。海。客。寄。芝。艸。各。衰。齡。善。自。保。天。吳。海。若。
供。笑。顏。藥。苗。服。食。蒼。山。老。

擬山園選集卷之十

終

